

АЗБУКА ВЕРЫ



**Акафист преподобному Александру,
Свирскому чудотворцу**

Акафист преподобному Александру, Свирскому чудотворцу



Аудио:
Кондак 1

Избранный уго́дникъ Христо́в и чудотво́рче, преподо́бный о́тче Алексáндре, возсия́вый мірови, ꙗ́ко звезда́ богосвѣтлая, житія́ твоего́ добро́тою и мно́жествомъ чудотворе́ний, восхваля́емъ тя любо́вию в пѣснехъ духо́вныхъ: ты же, ꙗ́ко имѣ́яй дерзнове́ние ко Го́споду, моли́твами твои́ми от

всѣх нас бед свободи, да зовѣм ти:

Радуйся, преподобне Александре, Свирский чудотворче.

Икос 1

Ангельский нрав имѣл еси, отче преподобне, и яко безплотный, непорочно житиѣ совершил еси на земли, дивный образ совершенства духовнаго нам оставив, да подражаем добродетелем твоим, и зовѣм ти сице:

Радуйся, благочестивых родителей плод благодарованный; радуйся, неплодие рождших тя разрешивый.

Радуйся, сѣтование их на радость преложивый; радуйся, от пелен Богом избранный.

Радуйся, от утробы матерния на службу Ему предуставленный; радуйся, от юности Его Единаго всем сердцем возлюбивый.

Радуйся, вся красная мира сего ни во что же вменивый; радуйся, постом и бдением молитвенным плоть твою удручивый.

Радуйся, непорочный сосуде Божия благодати; радуйся, жилище Духа Святаго, украшенное чистотою.

Радуйся, мужу желаний духовных; радуйся, главо, освященная десницею Всевышняго.

Радуйся, преподобне Александре, Свирский чудотворче.

Кондак 2

Видя Господь душу твою, яко ниву благовозделанную к плодonoсию духовному, от юности к исканию единого на потребу направи твой помысл, преподобне, темже любве ради Христовы, родителей твоих и дом отеческий оставил еси, всякаго пристрастия суетнаго свободився, притекл еси в пустынную обитель Валаамскую на подвиги иноческия, зовый спасающему тя Богу: Аллилуиа.

Икос 2

Разумом богопросвещенным постигл еси суету мира сего и непостоянство, в немже радость сменяется скорбью, благополучие навѣтуется нечаянными бедами. Темже вечных нетленных благ возжелал еси, отче преподобне, и сия взыскати потщался еси отречением мирских благ и вольною нищетою, подвигая нас звать тебе:

Радуйся, пустыннаго безмолвия любителю; радуйся, смирения и нестяжания рачителю.

Радуйся, истиннаго самоотвержения совершенный образе; радуйся, иноческаго равноангельскаго жития всеизрядное явлѣние.

Радуйся, правило веры и благочестия; радуйся, зеркало терпеливаго послушания.

Радуйся, безмолвие иноческое возлюбивый; радуйся, слезы духовныя стяжавый.

Радуйся, плачем временным блаженство вечное снискавый; радуйся, молитвами непрестанными прилоги вражия сокрушивый.

Рáдуйся, бдѣнием и труды́ плотъ твою́ дýхови покорѣвый; рáдуйся, постомъ и воздержáнием стрáсти укротѣвый.

Рáдуйся, преподóбне Алексáндре, Свѣ́рскій чудотвóрче.

Кондак 3

Си́лою Всевы́шняго осенѣ́нный и укрепля́емый, в ино́честемъ постриже́нии власо́в главы́ твоея́, все плотско́е мудрова́ние отложи́л еси́, преподóбне, и я́ко во́ин благоиску́сный, схи́му ино́ческую в броню́ спасе́ния стяжа́в, и непобеди́мым ору́жиемъ Крестá Христо́ва воору́жився, крѣ́пко рáтовалъ еси́ проти́ву врага́ невидима́го – диáвола, смире́ниемъ глубо́кимъ побежда́я его́ вознесе́нную горды́ню, и вы́ну вопи́я ко Го́споду: Аллилу́иа.

Икос 3

Име́я слезъ исто́чникъ изоби́льный, уго́днице Бо́жий, и умиле́ния ве́лию благода́ть, хлебъ твой слезáми ороша́л еси́ и пити́е пла́чемъ растворя́л, от преизбы́тка жела́ния Божѣ́ственного и любве́ ко Го́споду. Тѣ́мже и мы убла́жаемъ тя зва́нии сѣ́ми:

Рáдуйся, крѣ́пости и му́жества тезоимени́тый подви́жнице; рáдуйся, ангелоподо́бный челове́че.

Рáдуйся, Царя́ Небе́снаго во́ине добропобѣ́дный; рáдуйся, валаа́мскія оби́тели пло́де до́брый.

Рáдуйся, пустынножи́телю благоприя́тный; рáдуйся, моли́твенниче неусыпа́ющий.

Рáдуйся, по́стнице изря́дный; рáдуйся, безмо́лвниче дѣ́вный.

Рáдуйся, по́двигомъ дрѣ́внихъ богоно́сныхъ отце́въ послѣ́дователю; рáдуйся, ихъ терпѣ́нию и трудо́мъ подража́телю.

Рáдуйся, благовре́менно моги́лу себѣ́ ископа́вый; рáдуйся, о сме́ртнемъ часѣ́ непреста́нно помышля́вый.

Рáдуйся, преподóбне Алексáндре, Свѣ́рскій чудотвóрче.

Кондак 4

Бу́ря искуше́ний и устремле́ний диáвольскихъ не возмо́же поколебáти хра́мины твоея́ душе́вныя, преподóбне о́тче, основана́ бо бе́ на твѣ́рдемъ ка́мени ве́ры во Христа́, и храни́ма трезве́ниемъ и моли́твами непреста́нными, ѿ́миже вы́ну противоборство́валъ еси́ врагу́ спасе́ния челове́ческаго, и непреткнове́нно восходи́л еси́ по стезѣ́мъ добродѣ́телей к соверше́нству духо́вному в ме́ру во́зраста Христо́ва, воспева́я Бо́гу: Аллилу́иа.

Икос 4

Слы́шавъ похваля́ема себѣ́ от челове́к, убо́ялся еси́ превозноше́ния сýетнаго, о́тче богому́дре, и я́ко ѿ́стинный смире́ния о́браз, умы́слил еси́ убежа́ти в пусты́ню неизве́данную, на ре́ку Свирь, на ме́сто, свѣ́ше тебѣ́ указа́нное в видѣ́нии чу́дномъ, да та́мо и невозбра́нно еди́ному Бо́гу порабо́таеши, иде́же мы срѣ́таемъ тя благохвале́нии сѣ́ми:

Рáдуйся, смири́вшагося до ра́бѣя зра́ка Христо́а Го́спода благи́й послѣ́дователю; рáдуйся, святы́хъ Его́ за́поведей усѣ́рдный исполнѣ́телю.

Рáдуйся, дѣ́вственниче душе́ю и тѣ́ломъ; рáдуйся, трудолю́бче нелицеме́рный.

Рáдуйся, презрэвый сла́ву челове́ческую су́етную; рáдуйся, сокруши́вый се́ти тщесла́вия и горды́ни.

Рáдуйся, попра́вый высокоу́мия душевре́дную преле́сть; рáдуйся, усвои́вый себе́ свято́е смире́ние Христо́во.

Рáдуйся, испо́лнивый вся обе́ты ино́чества; рáдуйся, украси́выйся да́рами благода́ти Бо́жия.

Рáдуйся, по благода́ти прие́мый вла́сть на ду́хи нечи́стыя; рáдуйся, ни во что же вмени́вый тех устраше́ния и приви́дения.

Рáдуйся, преподо́бне Алексáндре, Сви́рский чудотво́рче.

Кондак 5

Светоза́рный луч оза́ри в но́щней темноте́ ме́сто пусты́нное, на нёмже всели́тися пришёл еси́, преподо́бне, зна́менуя собо́ю све́тлость ду́ши твоея́, и пламене́ющее любо́вию ко Го́споду се́рдце твоё, иде́же благоприя́тно бы́сть Творцу́ твоё произволе́ние рабо́тати Ему́ в преподо́бии и свя́тости, и пе́ти Ему́ та́мо хвале́бную песнь: Аллилу́иа.

Икос 5

Ви́девше а́нгельстии чи́нове равноа́нгельское жити́е твоё, о́тче богоблаже́нне, смире́ния твоего́ глубину́, моли́твы неотсту́пность, воздержáния твёрдость и ве́лию ре́вность ду́ха твоего́ о чистоте́, удиви́шася и просла́виша Человеколю́бца Бо́га, укрепля́ющего немо́щное естество́ челове́ческое. Мы же ублажа́ем тя и зове́м:

Рáдуйся, свети́лнице пусты́нный, просвети́вый страну́ коре́льскую сия́нием твои́х добродете́лей; рáдуйся, мона́шествующих дивное украше́ние.

Рáдуйся, кри́не благоухáнный пусты́ннаго прозябе́ния; рáдуйся, дре́во благопло́дное небесна́го насажде́ния.

Рáдуйся, возлюби́вый благоле́пие до́му Бо́жия; рáдуйся, в са́мом себе́ храм Триипоста́сному Божеству́ угото́вивый.

Рáдуйся, преподо́бием и пра́вдою одея́нный; рáдуйся, сою́зом добродете́лей удо́брённый.

Рáдуйся, пома́зание прие́мый от Свята́го Ду́ха; рáдуйся, освящё́нный сосу́де благода́ти Бо́жия.

Рáдуйся, ра́бе Христо́в, благи́й и ве́рный; рáдуйся, слуго́ Господень и́стинный.

Рáдуйся, преподо́бне Алексáндре, Сви́рский чудотво́рче.

Кондак 6

Пропове́дник по́двигов твои́х в пусты́ни Сви́рстей яви́лся ловец́ звере́й дивни́х, и́же гнав елéня в дубра́ве непроходи́мей, смотре́нием Бо́жиим обре́те хра́мину твою́, преподо́бне о́тче: ви́дев же тя во плóти А́нгела, зна́мение благода́тнаго оза́рения на лице́ своём нося́ща, стра́ха и ра́дости испо́лнися и, припа́д к честны́м твои́м стопа́м, во умиле́нии се́рдца возопи́ Зижди́телю Бо́гу: Аллилу́иа.

Икос 6

Возсиял еси в пустыни Свирстей богосветлое светило, и на спасения стезю наставлял еси многи души человеческия, яви бо ты Христос наставника и учителя иноком пустыннолюбивым, иже стекахуся к тебе, яко овцы к пастырю, могущу упasti их на пажити живоносней. Темже, яко сотворившаго и научившаго, чествуем ты сими похвальными словесы:

Радуйся, источник богодухновенных учений; радуйся, хранилище изобильного умиления.

Радуйся, одушевленные скрижали закона Господня; радуйся, немолчный проповедниче Евангелия Христова.

Радуйся, заповеди Господни исполнимый, и оным научивый учеников твоих; радуйся, ленивых подвигнувший к исправлению твоими христоподражательными нравами.

Радуйся, немощных укрепивый данною ти от Господа благодатию; радуйся, скорбящих утешивый сладостию твоих словес.

Радуйся, грешных к покаянию направивый; радуйся, юныя целомудривый.

Радуйся, сострадания исполненный; радуйся, в милости богатый.

Радуйся, преподобне Александре, Свирский чудотворче.

Кондак 7

Хотя Человеколюбец Господь прославить место подвигов твоих, отче, посла Ангела Своего благовестить тебе, яко будет на месте том обитель иноком во спасение, и в ней храм во имя Святыя Троицы. Ты же явлением безплотного просвещен, с радостным трепетом внимал еси благовестию небесному, зовый в смирении духа Владыце Ангелов и человеков: Аллилуиа.

Икос 7

Новое знамение благоволения Божия даровася тебе, преподобне, егда безмолвствуя ти в избранней пустыни, в ночи свет велий облистá ты, и Три Мужа в одеждах светлых предстáша пред тобою, мир тебе дарующе и повелевающе, да устроиши тамо обитель иноческую, и в ней храм во имя Святыя Троицы. Дивися убо сему пречудному в трех ангельских лицах Троическому явлению, зовем ти:

Радуйся, тайнниче Пресвятыя и Единосущныя Троицы; радуйся, самовидче неизреченного Божия явления.

Радуйся, собеседниче светоносных ангельских сил; радуйся, созерцателю лучезарного Божественного видения.

Радуйся, причастниче огнезрочного трисолнечного сияния; радуйся, поклонниче Триипостаснаго Божества.

Радуйся, в смертном телеси, безсмертия зарею просвещенный; радуйся, на земли небеснаго посещения удостоенный.

Радуйся, смирением высокая стяжавый; радуйся, нищетой богатую милость Господню улучивый.

Рáдуйся, сéявый слезáми рáдость присносúщную; рáдуйся, приéмый исполнénие обетовáний непрелóжных.

Рáдуйся, преподóбне Алексáндре, Свёрский чудотвóрче.

Кондак 8

Страннолéпно явйлся ти на воздýсе Ангел Госпóдень в мáнтии и кукóли йночестем, указúй мéсто, на нёмже храм во ймя Живоначáльных Трóицы имёл есй создáти в пустыни Свёрстей, преподóбне óтче, егóже Бóжиим поспешénием совершив и освятív, со учéники твоими немóлчныя хвалы возсылáл есй в нем Гóсподеви, зовый: Аллилúиа.

Икос 8

Всегó себé предав воле Госпóдней, ученикáми твоими умоленнýй, священства благодáть восприяти не уклонíлся есй, óтче, áще и тужáше дух твой, ужасáясь высоты сея, но послушáние явил есй духовным чáдом твоим, подвизáя их соглáсно звáти тебé:

Рáдуйся, Безкрóвныя Жёртвы достóйный совершителю; рáдуйся, олтаря Госпóдня благоговéйный служителю.

Рáдуйся, преподóбныя рúце твой со мнóгим дерзновénием ко Гóсподу возде́явый; рáдуйся, моли́твы теплéйшия от сёрдца чíста к престóлу Вседержителя возносíмый.

Рáдуйся, образ благочéстия бýвый твоим ученикóм; рáдуйся, ма́стию священства умáщенная главó.

Рáдуйся, вождю благоискúсный воинов духовных; рáдуйся, óтче благомúдрый общежítия йноческаго.

Рáдуйся, свéще, в моли́тве к Бóгу возжénная; рáдуйся, звездó ко спасénию путь вёрный показúющая.

Рáдуйся, маслíно, елéй мíлости Бóжия источíвшая; рáдуйся, чáше, жаждущих учéния спасíтельного напоившая.

Рáдуйся, преподóбне Алексáндре, Свёрский чудотвóрче.

Кондак 9

Вси йноцы обíтели твоея в рáдостный трéпет приидóша, егда устремлénие потóка вóднаго, на святúю обíтель твою движущееся, моли́твою твоёю укротíл есй, и призывáнием всесíльного ймене Иисýс Христóва, бýрному потóку тещй безвредно устроил есй на благúю потрéбу йночествующих, ёже видевше духовная чáда твоя всеумилénно возгласíша кúпно с тобóю Бóгу: Аллилúиа.

Икос 9

Ветíйство челове́ческое не довлéет изрещи́ обíлие рáдости духовных, ёюже преиспóлнился есй, óтче богонóсне, егда во врéмя моли́твы твоея нóщныя, явися ти Пресвятáя Богородица с ликом чíнов áнгельских и обетовáнии непрелóжными дúшу твою возвесели́, я́ко присная Застúпница обíтели твоея бúдет, снабдева́ющи и покрыва́ющи ю по вся дни. Тёмже и мы сия рáдостныя тебé приносим глагóлы:

Рáдуйся, благово́лением Богома́тере осенённый; рáдуйся, посещéнием Цари́цы небесé и земли утёшенный.

Рáдуйся, слы́шавый мило́стивыя от уст Ея́ глаго́лы; рáдуйся, приёмы́й обетова́ние крёпкаго Ея́ обите́ли заступле́ния.

Рáдуйся, любими́че Ея́ преи́скренний; рáдуйся, избра́нниче Сы́на Ея́ и Бо́га.

Рáдуйся, да́ром чудотворéния облагодáтствованный; рáдуйся, б́дущая, я́ко настоя́щая прови́девый.

Рáдуйся, ры́барем лови́тву чуде́сно умно́живый; рáдуйся, непло́дным роди́телем чадоро́дие дарова́вый.

Рáдуйся, боля́щих здра́вы возста́вивый; рáдуйся, та́йная согреше́ния челове́ческая обли́чивый.

Рáдуйся, преподо́бне Алексáндре, Сви́рский чудотво́рче.

Кондак 10

Спасти́ хотя́ д́уши учени́к твои́х, оте́чески назидáл еси́ их, богому́дре, о́ваго сло́вом, о́ваго приме́ром жити́я твоего́, с кро́тостию обли́чая, с любóвию увеща́ая их преуспева́ти в благо́честии и чистоте́: наипáче же пред кончи́ною твое́ю, вся ко спасéнию душе́вному благопотре́бная запове́дал еси́ им, и научи́л еси́ их в моли́твах бо́дрствовати и немóлчно пéти Бо́гу: Аллилу́иа.

Икос 10

Стена́ заступле́ния бы́ша моли́твы тво́я чудотво́рче святы́й, всем с ве́рою к тебе́ притека́ющим во вся́кой ско́рби, и́бо чистоты́ ра́ди твое́я серде́чныя си́ла духо́вная от Бо́га тебе́ дарова́ся боля́щих исцеля́ти, бе́дствующим помога́ти, б́дущая прорица́ти, я́ко сла́вити бли́жним и да́льным вели́чия Бо́жия, в тебе́ явле́нная, и зва́ти тебе́ си́це:

Рáдуйся, врачу́ немздоприе́мный неду́гов челове́ческих; рáдуйся, не то́кмо телéсных, но и душе́вных боле́зней изря́дный цели́телю.

Рáдуйся, слепы́м прозре́ние дарова́вый; рáдуйся, сляче́нных и увече́ных здра́вы сотвори́вый.

Рáдуйся, бе́сных от диа́вольскаго удруче́ния свободи́вый; рáдуйся, изступле́нным ум здра́вый возврати́вый.

Рáдуйся, покры́тых стру́пами уврачева́вый; рáдуйся, печа́льных утёшивый.

Рáдуйся, бе́дствующим на по́мощь ускори́вый; рáдуйся, пленённым и в темни́це сидя́щим осла́бу и свобо́ду явлéнием твои́м дарова́вый.

Рáдуйся, преподо́бне Алексáндре, Сви́рский чудотво́рче.

Кондак 11

Пéние всеумилéнное принёсл еси́ Пресвяте́й Тро́ице во вре́мя кончи́ны твое́я, преподо́бне, и моли́тве, су́щей на устéх твои́х, пре́дал еси́ святу́ю д́ушу твою́ в ру́це Жива́го Бо́га, Егóже от ю́ности возлюбил еси́, и Емúже до ста́рости масти́тыя работа́л еси́ нелицеме́рно; те́мже со упова́нием благи́м ра́достно прешéл еси́ к обите́лем небéсным, со а́нгельскими ли́ки пéти

Триипостасному Богу: Аллилуиа.

Икос 11

Мирную кончину твою видевше твои ученицы, великий угодниче Божий, скорбь разлучения с тобою утешением благодатным раствориша, в уповании всесильного предстательства твоего горю у престола Божия, идеже слышиши с любовью тебе зовущих:

Радуйся, венец безсмертныя жизни приемый от руки Вседержителя; радуйся, ликовствуя в чертозе Небеснаго Домовладыки.

Радуйся, откровенным лицом созерцаая славу Трисияннаго Божества; радуйся, со старцы белоризными покланяаяся Творцу.

Радуйся, наследниче всесветлаго Царствия Христова; радуйся, гражданинне Иерусалима Горняго.

Радуйся, небеснаго Сиона жителю; радуйся, нерукотворенных скиний райских обитателю.

Радуйся, по трудех временныя жизни, покой вечный получивый; радуйся, блаженство, от века праведным уготованное, праведно восприявый.

Радуйся, лучами не вечерняго света свыше осиянный; радуйся, долу величием чудес блистая.

Радуйся, преподобне Александре, Свирский чудотворче.

Кондак 12

Благодати причастна явися священная рака, содержащая многоцелебныя мочи твоя, чудотворче святыи, ихже по летех мнозех яви Господь в недрах земных нетленными, изцеления неоскудно источающия, и всяк недуг врачующия силою Бога, дивнаго во святых Своих, дивно прославльшаго тя на небеси и на земли, Ему же воспеваем: Аллилуиа.

Икос 12

Поюще радостную песнь хвалы и благодарения Человеколюбцу Богу, прославльшему тя в стране Российстей чудотворца дивнаго и милостиваго, молим тя, преподобне отче наш: буди ходатай к Немю и молитвенник присный о нас зовущих ти:

Радуйся, заступниче рода христианскаго; радуйся, сокровищнице даров многоразличных.

Радуйся, покрове, Богом зданный; радуйся, от Бога благодать изцелений восприявый.

Радуйся, цвете нетления, облагоухавый Святую Церковь; радуйся, заре безсмертия, от гроба преславно возсиявшая.

Радуйся, щедрот и милования струе неизсякаемая; радуйся, благоутробия источниче неоскудеваемый.

Радуйся, любви и сострадания явление многочудесное; радуйся, телес наших богодарованное врачевание.

Радуйся, о душах наших благоприятное предстательство.

Рáдуйся, преподóбне Алексáндре, Свѣ́рский чудотвóрче.

Кондак 13

О, вели́кий и пресла́вный чудотвóрче, преподóбне óтче наш Алексáндре! Мѣ́лостивно приими́ сѣ́ ма́лое моле́ние на́ше, и моли́твами твоѣ́ми сохрани́ нас от недúгов душе́вных и телéсных в жи́зни сей, и от грядúщих мучéний вéчных изба́ви, и сподóби нас вку́пе с тобóю во Цáрствии Небéсном вы́ну пéти Бóгу: Аллилу́иа.

Этот кондак читается трижды.

Икос 1

Ангельский нрав имéл есѣ́, óтче преподóбне, и я́ко безплóтный, непорóчно житиé соверши́л есѣ́ на земли́, дѣ́вный óбраз совершéнства духо́внаго нам оста́вив, да подража́ем добродéтелем твоѣ́м, и зовéм ти сѣ́це:

Рáдуйся, благочестѣ́вых родѣ́телей плод богодаровáнный; рáдуйся, непло́дие рóждших тя разреши́вый.

Рáдуйся, сéтование их на рáдость преложи́вый; рáдуйся, от пелéн Бóгом избрáнный.

Рáдуйся, от утрóбы ма́терния на слúжбу Емú́ предустáвленный; рáдуйся, от ю́ности Егó Едѣ́наго всем сéрдцем возлю́бѣвый.

Рáдуйся, вся красáя мѣ́ра сего́ ни во что же вмени́вый; рáдуйся, постóм и бдéнием моли́твенным плоть твою́ удручи́вый.

Рáдуйся, непорóчный сосúде Бóжия благодáти; рáдуйся, жили́ще Дúха Святáго, украшéнное чистотóю.

Рáдуйся, мýжу желáний духо́вных; рáдуйся, главó, освящéнная десни́цею Всевýшняго.

Рáдуйся, преподóбне Алексáндре, Свѣ́рский чудотвóрче.

Кондак 1

Избрáнный угóднике Христóв и чудотвóрче, преподóбный óтче Алексáндре, возсия́вый мѣ́рови, я́ко звезда́ богосвѣ́тая, жити́я твоегó добрóтою и мнóжеством чудотворéний, восхваля́ем тя любóвию в пѣ́снях духо́вных: ты же, я́ко имéяй дерзновéние ко Гóсподу, моли́твами твоѣ́ми от всѣ́х нас бед свободѣ́, да зовéм ти:

Рáдуйся, преподóбне Алексáндре, Свѣ́рский чудотвóрче.

Молитва

О свящéнная главó, Ангеле земнýй и челове́че небéсный, преподóбне и богонóсне óтче наш Алексáндре, изрядный угóднике Пресвяты́я и Единосúщныя Трѣ́ицы, явля́яй мнóгия мѣ́лости живу́щим во святѣ́й обѣ́тели твоѣ́й и всем, с вѣ́рою и любóвию притека́ющим к тебé! Испросѣ́ нам вся благопотрѣ́бная к жити́ю семú врѣ́менному, и нýжная к вéчному спасéнию на́шему. Посóбствуй предстáтельством твоѣ́м, угóднике Бóжий, пред Гóсподем на врагѣ́ видимы́я и невидимы́я. Вѣ́рных рабóв Егó, в скóрби и печáли день и ночь вопи́ющих к Немú, многоболéзненный вопль да услы́шит и да изведёт от погѣ́бели живóт наш, да в мѣ́ре глубóче пребúдет Святáя Правосла́вная Цѣ́рковь Христóва, и в благостро́ении зи́ждется Отéчество

наше, во всяком благочестии нерушимо. Буди всем нам, чудотворче святыи, помощник скорый во всякой скорби и обстоянии, наипаче же в час кончины нашей явися нам заступник благосердый, да не предани будем на мытарствех воздушных власти злобнаго миродержца, но да сподобимся непреткновеннаго восхода в Царствие Небесное. Ей, отче, молитвенниче наш присный! Не посрами упования нашего, не презри смиренная моления наша и предстательствуй за нас пред престолом Живоначальных Троицы, да сподобимся вкупе с тобою и со всеми святыми мы, недостойнии, в селениях райских славити величие, благодать и милость единаго в Троице Бога, Отца и Сына и Святаго Духа, во веки веков. Аминь.

Молитва преподобному [Александру Свирскому](#), читаемая в обители у мощей

О преподобне и богоносне отче наш Александре! Смиренно припадающе к раце честных твоих мощей, молим тя прилежно, воздвигни руки твои о нас грешных, ко Владычице нашей Богородице и Приснодеве Марии, яко да помянет древнии милости Своя, имиже обещалася неотступна быти от обители твоея; и подаст нам силу и крепость на врагов душевных, отводящих нас от пути спасительнаго, да явльшеся оных победители, в день Страшнаго Суда услышим от тебе похвальный оный глас: Се аз и дети, яже дал ми еси, Боже! И победный венец от победителя врагов Христа, Сына Божия восприимем, и наследие вечных благ купно с тобою получим, воспевающе Пресвятую Троицу, Отца и Сына и Святаго Духа, и твое милостивое предстательство и заступление, ныне и присно и во веки веков. Аминь.

Тропарь, глас 4

От юности, Богомудре, желанием духовным в пустыню вселився, единаго Христа возжелал еси усердно стопам в след ходити; темже и ангельстии чини зряще тя, удивишася, како с плотию к невидимым кознем подвижався, премудре, победил еси полки страстей воздержанием, и явился еси равноангелен на земли, Александре, преподобне. Моли Христа Бога да спасет души наша.

Кондак, глас 8

Яко многосветлая звезда днесь в странах Российских возсиял еси, отче, вселився в пустыню, Христовым стопам последовати усердно возжелел еси, и Того святое иго на рамо твое взял честный крест, умертвил еси, труды подвиг твоих телесная взыграния. Темже вопиём ти: спаси стадо твое, еже собрал еси, мудре, да зовём ти: радуйся, преподобне Александре, отче наш.